

兩  
浙  
輶  
軒  
錄

兩浙輶軒錄卷二十五

陸 秩 余文儀 金 性 張元觀 湯萼聯

俞 成 孫貽武 何廷模 程兆選 方 霖

張雲錦 沈炳興 葉 詩 梁國治 桂 浦

張朝綱 吳 鴻 陳鴻寶 柯一勝 陳遇堯

俞 經 周鳳岐 施養浩 汪孟錫 汪仲鈞

吳慶章 傅學沆 姜炳璋 陶章煥 戴聖芳

鄭虎文 葉佩蓀 蔡 璉 孔繼祥 陳 汾

朱履端

兩浙輶軒錄卷二十五

督學使者阮元訂

陸

秩字賓之號抑齋仁和人堵孫嘉穎弟乾隆己未進士改庶吉士歷官工科給事中著抑齋詩文集八

卷

黃模曰抑齋天姿英異過目不忘詞采高華援筆立就年十一補弟子員雍正己酉以五經舉于鄉乾隆丁巳考授中書已未成進士擢二甲第一與兄嘉穎先後同列清班一則沈酣精粹一則博大昌明時人稱為二難能詩善書不肯親襲古人亦不刻意一家興到筆隨動有奇氣

張琴

元音墜微茫孤桐向誰理危襟遲月明焚香窺化始希夷無聲初泠泠太古水空傳鍾子期獨識絃中旨

白雲山房

卜築依靈鷲軒櫺在翠微竹聲圍石几僧影到柴扉白髮人真澹青山願未違一枝如可借欲息漢陰機

余文儀

字叔子諸暨人籍會孫懋杞子乾隆丁

紹興府志文儀歷至刑部尚書著嘉樹樓集  
冠在外自福寧守至閩撫皆未嘗他徙于刑名尤所慎  
重而閩事最詳練在西曹兼總辦秋審以平反得敘至  
百餘次任閩泉時臺北生番入內地戕民計抵賊巢殲  
殺無數  
予告後杜門却掃日手一編無異老諸生

郡齋雜詠

分關天險界羊腸道是山鄉亦水鄉海面紋生魚吐墨嶺頭

春暖麝行香散衙侵早宜官懶養社聲歡識歲康自笑醉翁

空有意未能垂記媿甘棠

金

姓字兩叔號海任仁和人虞弟乾隆壬戌會試殿試  
皆第一一人授修撰累官禮部左侍郎入祀鄉賢祠

名辭集

行狀畧曰公少借兄虞砥礪問學尤淹貫史事乾隆七

年會試第一及第授修撰典甲子順東鄉試散館復第一

提贊善歷左庶子侍講學士壬申癸酉迭典江西山西

鄉試習學安徽丁丑在

上書房行走公言養正之地殫竭微忱用資啟導不易磨  
斯任也先後侍書十七年自孝友大端至言動威儀之  
節罔弗盡言題詠皆寓言納箴陞詹事督學江西轉內  
閣學士晉禮部左侍郎告歸主講敷文書院年八十一  
卒公在部時捐金贖資初仁錢曾館於虎坊橋東部署  
周備至今鄉  
士棲止如歸  
詞科餘話仁和金鉉雨叔孝感令長孺第六弟也穿  
穴諸經時有創解詩宗韓杜駢體得南宋二李之遺

卓文君印

錢刀總被土花侵鑄就琴心賣賦金畱客正宜釭酒券緘情  
曾與寄愁吟文園寂寞遺書少漢璽摧殘晉井深一片王孫  
春草綠臨叩誰向壁邊尋

鄱陽舟中

放棹別芝山鄱陽水程好湖平本無際洲渚列碁道條條憑  
界破斷續互縈繞正教帆葉卸長見緯繩裊守風旣無患驚

浪亦殊少夾舟多曲岸被徑半豐草疎花綴其間姿致良窈  
窕聞聲不可見平楚隱羣鳥此地絕林棲水宿幸相保灘餘  
螺蚌蛻映日閃雜寶小物有光華猶能勝枯槁篷窗隨賞眺  
興寄轉綿眇隔洲望湖外歷歷檣竿表洲尾入重湖逢迎方  
未了烟波乍離合水陸總環抱吾因與委蛇詩境得陶討

餘干雨後得順風戲作

江行盡日雨濛濛不雨何緣又反風爲掩篷窗防漏濕頓敘  
老眼看書窮卷終每訝程偏滯帆挂仍餘悶未空自笑征途  
底心性試尋消遣黑甜中

新年雜詠題辭

回首辭家十載餘舊鄉風土夢華胥卷中重認新年景却認  
初來占籍居

同年李誠齋

九性

司馬觀海圖

寄身天地一浮萍  
官海風波亦飽經  
千仞岡頭定心石  
聞根那復賦雷霆

由來激水是危磯  
但幸蛟螭窟宅稀  
著脚總輸平地穩  
驚魂還記怒濤飛

鮑新喻贈桂花有五出六出者作詩志異

探奇桂海志難詳  
金粟光踰四照長  
五粒細摩松蓋影  
六銖輕襲月宮裳  
雪梅尙憶爭春信  
薝蔔曾聞掩衆香  
嘉兆燕山元有數  
更占仙萼一枝芳

桂花并有七出者再賦一首

七襄雲錦記飛梭  
翦刻霓裳花樣多  
閨節每浮天地數  
餘音還助律同和  
秋宵斗正香初滿  
人日萸開瓣少訛  
射策佇香

穿扎手高凌蟾窟渡銀河

朱履端

字端叔號浚谷桐鄉拔貢乾隆戊午舉人

陳鴻壽曰浚谷先生工詩文詞曲善畫近徐青藤官部

曹洞悉利弊吏不敢欺丁內艱歸終養老父遂不出晚

年移居嘉興梅會里築南園著有樸山吟稿

鑊舟寓居示殷生

遷往金陀近一年松廊竹屋共畱連酒邊索我新題咏花底  
邀君脆管絃偶訪舊家寒月幌閒尋蕭寺上湖船嬉春度臘  
兼消夏只欠秋窗對榻眠

汪伯子園林

園樹成陰綠幾層主人開筵集吟朋花前共飲三升酒橋畔  
相攜五尺藤兄弟清宵連襪被家鄉舊事話篝燈少年遷往  
知多少此會從今却未曾



張元觀

字肇上號禹齋永嘉人乾隆甲子順天舉人官刑部主事

遊煙雨樓

樓在水雲中舟行面面通更無山礙目最愛月當空雨濕鐘聲冷煙留塔影紅此方自名勝莫謾說甌東

湯萼聯

字繼芳號水南仁和人乾隆乙丑進士官編修

周嘉猷曰水南習

清書

散館一等記名以御使用辛未卒于京邸年甫三十

一詩清麗秀婉洵足鼓吹休明官翰林時今大司馬朱石君先生昆弟皆執贊爲弟子享年不永存稿無幾時

論惜之

雨中偕王蘇門赴 圓明園

極目濃陰壓遠岡冥濛烟裏色青蒼風來萬壑樹聲滿雨到一天雲氣涼路滑石痕添細漲林疎燈影漏微光對牀剪燭西窗話根觸還餘舊日狂

次韻送陸禹三九秋南歸

楓林葉老傲霜餘  
整理歸船半載書  
冀北秋風驚曉鴈  
江南清夢憶鱸魚  
寒潭月冷停撓處  
古徑雲橫著屐初  
去去不須愁遠別  
君才未許竟潛居

西風瑟瑟顫南枝  
極目歸途征馬遲  
指點寒山迷遠色  
安排清景入新詩  
還家不減看雲興  
掃徑應畱買菊資  
珍重相期無別語  
騷壇端合倩君持

俞

成

字亞田號雲客臨安人乾隆乙丑進士官臺鸞道著塞外詩鈔

雪後山澗閒步

遠翁寂寂久無聞  
却戀深山似舊羣  
雪與老人頭比色  
風來春水面成文  
草根有信纔離土  
石竇何心偶出雲  
正訝充厨長物少  
澗邊一夜有香芹

忘吾

有引

僕近善忘作詩纔闕筆已不能成誦蘇子云今我亦  
忘吾是殆真能相忘者因自號忘吾記以詩

坐忘非顏子心忘豈莊叟余老而善忘萬事竟何有今日所  
作詩記前已失後更追溯從前一字能記否自笑無心人故  
應少我偶久飽塞外塵不識湖邊柳吾今已忘吾高臥日穿  
牖小童催飯熟喚醒一伸肘

偶題

未能卻粒亦殮霞但是逢山認我家塞外閒如僧打坐天邊  
遠憶客浮槎春來東地希生草月入空齋獨聽笳爲報故侯  
今老矣更無心種舊時瓜

老去光陰空復淹愁來書籍并慵拈藏身好學龜頭縮失手

誰令蛇足添久客擬成風土記憫農猶切雨雲占

時望雨

夜來

篋笥何顛倒明日山厨斷米鹽

孫貽武

字紹衣歸安人乾隆乙丑進士

吳越王

鳳舞龍飛地脉優挺生人傑說婆留潮廻龜赭三千弩地擁金湯十四州承寵樹皆披錦繡稱藩臣自息戈矛櫛風沐雨

辛勤甚回木驚眠老未休

何廷模

字獻葵號西助仁和人乾隆丁卯順天舉人官海州知州

袁枚

墓銘略曰君諱廷模中丁卯順天鄉試知如皋縣

遷牧高郵再遷海州丁母憂歸服闋不起終於如皋君

聰彊詳審頗饒幹略常愛余所撰州縣心書手抄以去

蒞官時試而行之所到豪暴屏跡胥役肅然如水以其暇

難治君初臨投轄者麻起一二年後訟庭如冰以其風俗

訪冒辟疆故址登水明樓與紳士咏歌其間愛其風俗

之醇遂卜宅焉君性蕭灑在江寧小住輒來山中佐余

疏流泉蒔花竹登天風閣看江相約如張邵故事結鄰

而居蕭然有

出世之想

隨園詩話老友何獻葵刺史喜談詩而不輕作常云詩無生趣如木馬泥龍徒增人厭嘗住隨園得梅子肥時落地輒七字卒亦憊於成章也其長子春巢工填詞今年獻葵亡春巢乞余志墓銘近作見示才四首他如湖邊客到花先笑樹裏僧歸路半陰開雲未必忘舒卷流水何曾管是非雨足田車閒架樹日斜耕犢穩駛人皆佳句也

### 秦淮感舊

十年不作白門遊忽把孤帆卸石頭  
聞說舊人都不在春風愁上十三樓

迢迢一水遠通江郎去潮來妾倚窗  
羨煞載郎船上槳隨波來去總雙雙

### 千金亭

空亭千古對平波野渡斜陽獨客過  
莫怪無人畱一飯報恩

人少受恩多

賄釣叟

萍開風起水生紋一葉飄然泛夕曛魚在綠波竿在手船頭閒坐看秋雲

程兆選

字子俊一字定山永康人開業幼子乾隆丁卯舉人甲戌會試登明通榜授奉化教諭陞西華知縣

歷吳縣南匯陽山著古雪集

題李大然先生種山亭圖

先生諱崇賢官比部嘗夢人授以種山之訣者因顛於亭

我聞三山屹立瀛海中下無根蒂如飄蓬靈芽倒插斷嵒背  
倏忽離合衝天風先生夢得種山訣鋤雲課向庭前隙盤根  
不受五丁斷老幹猶傳巨靈劈蜿蜒洞壑何嶙嶙颯沓煙雨  
騰蛟螭夜濕神漿灌石脉琪花瑤草紛葳蕤拄笏亭中致森  
爽臥看排雲石筍長畫圖咫尺幻蓬萊一曲琴彈衆山響君

不聞仙人煮石持作糧又不聞初平叱石跳爲羊但使種山  
山可餌不須日糴太倉米

菊叟吟畱別余楓溪先生

先生諸暨人晚客南皮種菊數百本自號菊叟壬申余將

南歸賦

此題別

先生舊傍蘿邨住宛委山前幾朝暮垂老西風臥北平廿年  
不喚耶溪渡南皮卜築清且幽種花滿屋花光浮魏紫姚黃  
百不愛蕭然獨占人間秋逸興豪情近無有瀟灑高風追五  
柳依稀紅葉憶楓溪管領黃花稱菊叟枝枝繞楊花作團紅  
燈白髮爭斑斕幾曲狂歌花欲舞耳根颯颯霜楓寒先生徑  
醉花猶醒欹枕花間夢清冷不知涼月照高眠夢回兩袖堆  
花影花底樽前奈樂何青山一髮悲蹉跎子規夜夜叫霜月  
徒爾歸夢迷幽蘿我來三度長安道雨打槐花秋又老相逢

燕市幾悲歌清詩磊落貽芳草卽今買舟歸去來先生亦擬  
辭燕臺鞭絲帽影匆匆別何時一笑重銜盃世事花開復花  
落人生聚首還離索明年此日醉霜秋天涯兩地黃花約

蝴蝶花戲作

暖風吹夢迷窗紗夢中蝶翅風中斜搖空蕩影春魂醉幻骨  
蛻作離根花是蝶是花無不可覺來依舊花前坐拈花一笑  
證三生前生蝶是花前我

在平早發

四更漸瀝雨作泥五更膈膊鷄亂啼披衣跨馬夢未醒野曠  
月黑行人稀西風激激卓馬耳濕雲壓樹天爲低塚狐嘯風  
鶴鷗叫路迷不知東復西雲飛片片歸何處隨風灑作春山  
露依舊山花十里香一鞭又裏斜陽去



津門別余楓溪先生

譜得春愁欲斷魂  
紅燈小板醉梨雲  
江南剩有吳娘曲  
暮雨瀟瀟不忍聞

小築鷄泉格外幽  
霜籬分得幾枝秋  
無端又負黃花約  
不共先生插滿頭

燕南一棹又江南  
行盡先生夢裏山  
此去楓橋應繫艇  
到時

先訪釣魚灣

方

霖

字遜一號雪屏又號白岳山樵石門人著雪屏詩有

朱方需詩屏詩存序畧曰雪屏方君其詩絕去叮咛渾成秀逸頗得元和大歷諸人遺響下亦不失爲石湖劍

南至於天目觀雲錢塘觀潮天都觀

瀑諸篇筆力沈雄又將追踪乎少陵

鮑廷博曰先生著有白岳樵吟舟車漫與等集舟覆上

海片楮不存晚年手聚懶自收拾多散落交遊間蘭坻

於先生身後綴緝成編

纔十一耳名曰詩存

南野堂筆記方蘭坻處士之尊人雪屏先生兼長詩畫  
著雪屏詩存絕去畦町獨標性靈如移居東郭簡友云  
得辭征塵已隔年傍村水竹話清緣莫嫌東野無家具  
若過南州有榻懸酒熟鄰翁能餉榼詩成惟子解分編  
尊前愁說游燕夜羸馬蒙裘朔雪天詠白鴈云素書欲  
達海天長落盡蘆花見故鄉萬古龍沙飛漢月一時客  
賢滿吳霜遠歸燕北懷兄弟到及江南正稻粱猶有舊  
盟闕鷺在依依寒夢伴瀟湘伍大夫祠云荒祠猶傍閩  
閩城落日東門弔古情人去蕭中冓劍氣客來花裏聽  
簫聲一身恩怨分吳越兩國存亡紫死生畢竟五湖歸  
計好怒濤枉自跨長鯨聞笛云晚來聞笛不勝嗟客舍  
春寒正憶家手種玉梅三兩樹莫教歸去已無花白書  
懷歸草云平生汗漫廿年遊閩海春還燕薊秋每望東  
南滯西北故鄉河止一并州甯春道中云烟村雲塢晚  
冥冥雙屐登臨路舊經風景不殊吾易老看山重過謝  
公亭他句如釣臺云一覽帝鄉夢千秋世外心春筍云  
老無肉食相瘦盡苦吟身喜友人送酒云連夕不得飲  
乃知此酒佳有感云金盞交游如隔世老歸風景似他  
鄉

晚登虞山

絕欄秋有聲寒城落峯影夕陽返前村林巒杳然暝霜鐘時

一聞寂寞發深省  
青春慨浪擲白日不我永襟期幾曾閒  
晚來惜佳景歸路不逢人  
空林緒風冷獨鶴何處還  
寥寥碧天迴

趙北口雪

林壑氣閉藏雪霰時霏霏  
餓鴉掠江驛寒豹嗥破扉  
此地接燕趙古情空是非  
惟於騁目間游子心依依  
何以江南山老柳搖漁磯  
魯酒不解顏吳綿思敝衣  
客行淹歲月逐逐奔塵轍  
薄暝北風厲作態如花飛  
園梅遲索笑我夢先春歸

金山僧舍澗中冷泉作茗飲

山僧舉瘿瓢夜入老蛟窟  
老蛟寒不眠欲吞波上月  
蛟月兩掀翻一吸入瓶盞  
要客瀹真茶石鼎火初活  
松鱗流香林竹煙散金刹  
清風生兩腋洗滌存孤潔  
爽爽餘精神珊瑚換凡

兩清華車錄卷三  
骨心如無盡燈內照恒不滅

虎邱花市歌

東風解意吹晴郊知我出游攜酒瓢山塘小市雜花放紫萸  
素豔開香苞栽培便過馬塍手娟妙不數吳宮腰老憐節物  
逐時到肯放酒懷成鬱陶黃蜂掉尾鶯語哢逆鼻氣氤氳好風  
送花師壓擔早相喚一聲聲破紅闌夢滿鏡新粧顧影笑駢  
枝低顰盤鴉重茅簷綺閣總無分買簪不計兒家貧粉圍香  
陣太狼藉人間別有蘇臺春日日看花起我早心與游絲共  
繚繞靜女懷春爲春醉詩翁惜花被花惱擬將舊曲續花游  
賣花人家四時好

采石磯望月

夜色江聲裏登臨病眼開天垂列宿迴雲抱一輪來光冷魚

龍夢宵征鴻鴈哀揮杯吟不得千載謫仙才

天目山看雲

絕壁勢全俛猿狖愁攀緣老僧導我上舉足心惛惛怪藤藉  
引手一躍空中懸心知此一墮渺乎入寒煙陽崖轉暗谷曲  
折蛇鳥穿置身若天半方知躡山巔雲氣莽鬱勃膚寸周廻  
旋吞吐益飄飄四顧紛纒聯俄如人馬來冠蓋擁而前朱衣  
蒼水佩寶玦珊瑚鞭忽然如窮餓鶉衣聳寒肩轉瞬復如初  
裝束殊翩翩倏爾爲老翁瞥然化嬋娟鬢眉近可覩粉黛遙  
相憐忽如衛霍第丹甕逼中天臺榭何崔巍忽變爲原田忽  
如山鬼醜忽如湘娥妍靈鳳或翔翥神虬或蜿蜒豁然天風  
起散去何處邊纔見衆峯出一一浮青蓮詭異駭心目恍惚  
言難詮還疑心是雲幻化亦偶然

次韻周穆門湖上雨中作

雲移湖上山雨暗西陵樹釣渚落花深僧欄且畱住情境生  
靜緣眺聽愜心遇蓑笠煙際漁相送孤舟去前山霽色來濕  
翠看無數

天都峯觀瀑

在山不知奇峯巒失背向在山不知高咫尺隨俛仰一出雲  
中巒始覺神益王匡壁森開張舉目非一狀高低三十六一  
一展妙相殷雷鑿空礫飛流下疊嶂白霓天際來其源不可  
量寒聲徹巖壑百里勢一放胸中萬斛塵及此可滌蕩

遊

累累如珠撲不開相依隨處惹談哈肥因人病支牀久餓爲  
衣從質庫來景畧言中名已博仲容種裏子初胎別能一誦

阿房賦老我憐渠小有才

張雲錦

字龍威號鐵珊又號藝舫平湖國子生著蘭玉堂集

宋文藻曰龍威與厲飲君樊榭唱和又工長短句樊榭集有書拓湖張龍威長短句後二絕句云踪跡江湖燕尾船一回相見一流連新詞合付兜娘唱可憐紅牙久我然樂笑翁今不可同補題五闕屬情才薛家鏡子磨昏後懷絕何人喚夜來自注云龍威有和子續樂府補題五闕其天香賦薛鏡云粉絮休磨塵輕不染識取夜來名字深有感於子懷也

葉迎坡陸紆齋鮑咸吉諸君招集南莊探梅

一棹荒寒路幾經殷勤梅信報園丁人來淺水綠邊收花問  
夕陽紅處亭昔酒香仍消酩酊春懷淡欲入空冥試燈節後  
應前放待折橫枝向膽瓶

宿小有天園

點勞夜以寧滋獨殊恒寢面山設匡牀浮翠擁藤枕池光忽

明幃林端月高引叢篁發清奏新涼霍煩疾情得神彌恬敏

接華胥軫

沈炳吳

字繹旃號權齋歸安貢生炳震弟著水經注集釋訂譌四十卷續唐詩話一百卷全宋詩話一百卷

詞科掌錄旃安沈炳震難弟曰

炳吳經旃工詩著有補正水經

進遺書總錄稱其書據黃省曾朱謀埠兩家加以考訂

其經文錯簡據胡渭禹貢錙指改正之注中所引與原

名大異者悉取原書附注于本文之下其封建先後地

表及諸史參以一統志輿地諸書訂其譌缺焉

采桑行

桑柘陰陰啼看火誰家少婦雙眉鎖攜筐不耐五更寒雨鬢

風鬟立道左長條欲挽愁無力柔枝方剪氣已竭歸來問蠶

蠶正飢持刀切葉無已時飼蠶未罷兒更啼喂兒飼蠶心力

疲辛勤曉夜始三眠山頭纍纍潔且圓剝繭纍絲聲未絕催



科吏已來門前

葉

詩字正始號持伯歸安諸生

陳焯曰持伯性耽吟咏獨絕於時先刻有玉澗吟稿乾隆戊戌年五十有四始自刪定弗措齋集統計古近體

三百三十有奇幣  
為五卷自序之

招衡若飲

昨夜新霜入君愁我亦愁移來三徑菊貯作一庭秋絲竹經年廢雞豚過社畱莫辭勤秉燭相顧白盈頭

弁山尋左丞公石林故址

不識西巖路逢人問石林危亭無髣髴落日一登臨依舊泉鳴玉何年地布金

今積善寺公之書院其旁為玉澗

是身同泛梗空繫故園

心

與諸子泛畫溪

竹葉藏春鴈梅花挂月邨青谿三百曲一曲一銷魂復有南  
朝寺巋然劫外存主人已去舍過客每停軒今清果寺梁江  
州刺史錢道故  
宅也

若溪春興次釋情畫韻

漾舟從此去春漲五湖通到處身無著緣流趣不窮杏花山  
店雨楊柳板橋風好是王摩詰詩中與畫中

歸雲菴次吳白雪韻

高士一瓢何處老僧雙樹爲家千載孤山相望入門先問梅  
華

剝啄更無人惱跣趺偏愛僧閑室中長物何有惟有白雲半

閒

梁國治

字階平號蓀峯又號豐山會稽人乾隆戊辰  
進士及第第一入官至東閣大學士諡文定

紹興府志國治性孝友童年失母十七喪父與兄國泰  
同月日生故終身不稱鴈事孀嫂如母顛沛之中不廢  
所學所至名士如歸公退論文見之者如對山林高逸  
晚秉樞要從遊益廣渾穆中自有涇渭恬淡不名一錢  
篤故人誼貧賤交終身不忘詩文  
典瞻風致書法深得唐人精詣  
鳬亭詩話余遊嶺南時梁文定公爲東潮觀察好吟詩  
無日不聯吟調和嘗同過肇慶七星岩杭堇浦已先有  
七古一篇畱題岩寺亦賦七言長句文定云杭作似  
學少陵君作則昌黎也吾當仿李供奉另樹一幟其篇  
中如手招三辰引鳳皇云云酷肖供奉另樹一幟其篇  
和平而作詩喜用險韻嘗言韻險意纔新句纔健嘗與  
余晚曉聯句用二十一禡韻已連押訝詫兩韻又思押  
乍怕二韻躊躇良久不能就第沈吟曰花氣入簾深余  
應聲曰竹露滴衣乍危欄影自疑老  
樹聲可怕文定拍案歎賞謂之不已

### 過觀音巖

石壁立水外風濤浩洶洶何年巨靈劈幻此金蓮湧  
豁豁豁  
幽竇液瀝垂乳漣飛空上危梯萬象羅森聳澄潭空  
心顛倒  
景羣山拱江帆日暮搖回首蒼烟重一聲清磬鳴上  
界香雲

遊七星巖

七星巖石嵯峨浮空一氣青蒼摩上涵太古之風烟下澄萬頃之湖波珠衡玉斗天心落翠黛千尋照城郭巨靈開鑿始何年朵朵芙蓉新秀削昔聞羣帝朝太清天神娛笑玉女迎來此譙集千觴行前騎麒麟後長鯨鳴鐘交鼓吹竽笙僊音縹緲隔天上至今好鳥傳其聲初向雲關訪靈笈洞口惟容一人入須臾庠循圓廬高石髓淋淋滴猶濕靈景何窈冥元精乍噓吸呀然竅穴潛陰風金關玉籥欬玲瓏山僧束炬照危壁霄然電燭開雙瞳宛延翠氣邈迤青紅飛梁跨接風雲交通玉文石記鐫歲月餘綵垓北迷西東殊形詭狀不可悉僧言下有虬龍宮此龍含霧靜蠅蛸崢嶸一線光明天白雲

片片都輕舉石人如花琢龍女頗黎寶樹車渠葉淨界分明  
聞佛語僧言此是璇璣臺火齊瓔珞千玫瑰情霄縞皓延素  
月映空萬里霜華皚我聽僧言意未足直上天門散遙矚手  
招三辰引鳳凰銀河開流溢戶旁乘凌情氣臨洋洋仙風吹  
落天花香三山五嶺鬱何蒼蒼遊心冥漠歸雲低昂仙都佛  
國事難記七星何乃傳荒唐人間莫辨支機石天上迴瞻白  
玉堂

平定城樓天衢閣成詩以紀之

飛閣浮空接漢槎冠山濃翠挹晨霞關河榆柳連三月烟火  
樓臺出萬家幾度嚴城籌保障偶從賢守話桑麻蓬瀛天際  
塵難到指點人寰路未賒

桂

塘

初名庸字學中後改今名字岳中號漱泉又號浣齋慈谿人乾隆戊辰進士官德陽知縣

袁鈞曰桂浦爲芳子著詩甚多有柑亭集長安舊草  
蓼花樓草西征集漱餘亭集宮館退餘草蜀中遺稿  
陳焯曰桂浦又有  
西苑草子丑合鈔

新城

古邑當雲棧層巒列女牆兩京此戶牖千古扼河湟城邑餘  
芳草泉聲冷夕陽莫愁登險峻早晚度平岡

蘭州雜詩用工部秦州雜詩韻

列檻長城近茫茫指顧間袤延連地軸迤邐枕天關秦漢山  
河壘旌旗日月環長看飲馬窟塹絕阻那顏

策馬行西郭臨風上驛亭黃沙千里盡白雪半樓青屏翰思  
前略河津指客星開樽一披豁扶醉到郊坰

搏土遂成屋連閭有幾家狂飈驚入牖爛雨濕穿沙收晚三  
秋粟寒遲六月瓜別無風物萃乍見藏戎花

種來西藏地多產者

郭抱天河曲城迎北斗低塞垣深列障秦谷舊封泥譙鼓風  
光近樓臺夕照西

聖勳燭絕域擊析靜霜聲

張朝綱字拜熙號冠霞烏程人乾隆丙

陳焯曰先生與子家同里世交焯幼時常見之舉京兆  
試後未幾歿今令子定邦秀才出示手稿前有辛酉座  
主趙青藜序畧云其詩氣清而神純語質而味厚在王  
孟韋柳間蓋詩家正派也卷中如蠶桑吟鄉村四首頗  
得幽風甫田大田遺意而渡黃河一篇則上下古今激  
昂慷慨不徒作者又將博題云辛酉之秋子典試浙闈  
得張子拜熙卷輒手不置以五經額臨列副榜余心悅  
焉甲子丁卯張子再捷浙闈而皆不及額其遇可謂窮  
矣今觀張子之詩何其冲淡而和粹也讀  
其詩知其入張子之性情於是乎見矣

橫渚

近在憐橫渚春風水一灣虹橋高山屋雉堞遠連山花暖共  
遊罷月明相與還亦知人去盡鷗夢綠楊間

兩浙輶軒錄卷三

張朝綱

古

吳

鴻字頤雲號雲巖仁和人乾隆丁卯解元辛未進士

杭州府志吳鴻工制藝士無遠近無有不誦其文者授

修撰充誦官好獎掖後進典廣東南學政文風丕振

年未四十一夕而卒官至翰林侍讀端謹和易風

度凝然前輩多期以公輔未竟其用朝野惜之

隨園詩話吾鄉吳修撰督學湖南王午科湖南主試者

為錢公辛楣陝西王公偉人諸生山閣後各以闢卷呈

吳吳所最賞者為丁姓丁正心張德安石鴻鵠陳聖清

五人曰此五卷不售吾此後不復論文矣榜發曰吳招

客共飲使人走探俄而抄榜來自第六名至末只陳聖

清一人吳芳皇莫釋未幾五魁報至則四生已各冠其

經如聯珠然吳大喜過望一時省下傳為佳話先是陳

太常兆崙在都中以書賀吳云今科楚南得人必盛蓋

預知吳錢王三公之能知文能拔士也吳因首倡一詩

一時和者三十餘人後甲辰三月余遊匡廬丁君宰星

子為僱夫役作主人相與序述前事彼此慨然

梧門詩話吳侍讀雲巖先生辛未以第一人入詞館才

名大噪官十年而沒聞先生歿之日方劇飲大醉就寢

寢明家人啟扉則已化去是夕有夢翰林署中騶馬先

照云吳狀元赴土地任者閩縣葉教董學士倪國為先

生同年至好三十五歲生日先生贈詩有七十眼看君

過半卅年心憶我從頭之句故葉學士哭侍讀詩有七



十如今真過半重拈詩句念衰遲之句殆亦謙也葉又  
題吳手札後云墓前定有聰明樹世上曾無堅固林用  
意切合

### 丹霞寺

濛濛遠山合嵐氣明如晦客過僧不知閉關白雲內

### 登端州試院樓望七星巖作

振衣凌丹樓氣引星辰上岑然莽蒼間崖壁屹相向云是北  
斗魁精靈落炎瘴削特無寸膚參差非一狀怒如熊虎蹲逸  
似鷹隼放乍疑閭闔開肅穆排雲仗又如羽衣客星冠禮真  
相巖鷺聞中空結構訝奇宕攬此數畝地樹作一城障端州  
富山骨刻斲煩巧匠真宰不可彫萬古乃無恙疾雷殷空谷  
滂雲搏巨浪倏忽霽景清宛與諸天傍我家山水窟見山發  
遐唱突兀眼已驚回薄神彌王徑欲捫參井終須傲禽尚呼

吸苟可通得句力相抗

陳鴻寶

字寶所仁和人乾隆辛未舉人中書官工部掌印給事中

欽賜

烏亭詩話寶所工詩吐屬娟秀自長安分手不相見者已二十四年昨於汪玉岑處見其過可莊七律二首

句尤

過可莊訪汪玉岑

十年阻面惜心朋歸計菟裘嘆未能近水誅茅輸爾早欵門  
看竹記吾曾生涯漫指營巢燕氣味何如退院僧乘興自今  
來往熟春波一櫂入西泠

消游大好續前賢手掬參寥一勺泉長日鬪茶松院雨春山  
燒笋佛廚烟無邊樂事歸吟筆有分行窩著散仙我亦忘機  
鷗鳥伴段家橋外水如天

柯一騰

字蘭坪以字行號策甫仁和人乾隆辛未進士官戶部郎中著策園詩鈔

朱黜曰業師柯策甫先生官戶曹十年辛巳丁外艱歸  
逾年卒于家世業儒與兄帝夔先生皆以詩文鳴抵京  
名益噪諸名宿往來贈答無虛日既卒家貧子幼  
存稿散失已盡茲從符竹窗家所存小冊錄之

直沽

孤城遠與白波齊樹擁津門落照低盡日帆檣風向背夾河  
楊柳水東西天連尺五黃圖舊海上春三碧草萋耆老尙知  
山碣石誰教故蹟久沉迷

西溪訪袁石羽時寓張氏園

獨石橋西水一邨居人多傍寓公園溪行欲盡竹不已秋到  
未深蟲正喧風裏敗蘆藏鴨艇門前臥柳結魚樊平生虛有  
林泉興此事於今亦讓袁

荅陳仲璠陳自號九華山人

故人爲訊舊生涯食指于今幾倍加將老漸知情是債長貧

竟以客爲家青袍未忍干三事赤腳還期踏九華聞道山中  
頻乞米愁君殮盡五溪花

雪後過西溪

雪消古路足幽尋風送寒香引客心臘月溪山行處獨梅花  
世界入來深微茫煙外開茅舍格磔聲中起水禽清賞却宜  
終日坐嫩晴天氣午陰陰

揚州贈胡徵仕

小住近清明春帆忽遠征潮聲落瓜步草色入蕪城洛社題  
襟侶紅橋載酒迎極知烟水外風雨過江情

舍弟南歸有寄

關河涼重客衣輕燈下裘棉送遠行黃葉滿山秋易老暮雲  
無際鴈孤征鄉鄰歲歉多寒餓骨肉年來半死生傳語天涯

苦相憶數行空札若爲情

同顧念青之寶坻

潞河東望策輕車百里蒼茫問古渠  
海上遺民金大定關門  
流水魏黃初浮杯綠蟻三重酒入饌銀刀二寸魚  
欲與孫公  
補談苑海龍王宅刼灰餘

曹州久旱得雨作詩

羯鼓敲鐙久未停喧喧入夜滿城醒  
那辭辛苦趨芒種已省  
流亾得小寧早市應聞陳穀賤高原及見晚禾青  
遙知太守  
同民樂第一須開喜雨亭

陳遇堯

字厚如號秋坪海寧人乾隆壬申進士著古梅軒詩鈔

朱文藻曰陳遇堯古梅集詩鈔又謂之秋坪詩鈔集中分編曰洛遊草嵩遊草似其幕遊處也

東阿曉發

綠楊枝外霧濛濛路轉平蕪一逕通空翠濕衣涼似雨不知  
身在亂山中

輾轅嶺

徑窄盤盤髻危簇簇梯雲迷秦棧北天盡潁陽西壁面千  
尋削關前萬木低時清寧恃險閒殺一丸泥

宿少林寺

入雲不覺遠徑與羊腸通更隨輾轅轉遙數六六峯落日猶  
照耀近寺光朦朧微聞林端磬尚疑烟際鐘暝色恐行客盤  
盤路將窮山僧導我前細火穿蒙茸解鞍得初地人馬俱從  
容靜荷龍象力險虞虎豹叢塵心忽蕭曠竿牘吹寒空情夢  
亦同趣長揖浮邱翁

折騰自南渡塵緣已能了至今面壁影十步却飛鳥立雪久

無人望羅樹長好五乳浮空青三花擁白曉我來雪初晴襪  
被苦不蚤捫蘿拊其背月出風裊裊磬冷聲似玉霜輕薄於  
編殘碑讀未暇明發待幽討

俞

經字醉六號約園又號抱山鄞人乾隆  
王申舉人官義烏教諭有約園詩稿

逢山清語醉六中年始學詩時同里李房山工詩醉六  
心慕之欲得其傳適喪耦遂娶房山女翁婿年齒相差  
實不遠也

讀外曾祖董吳子公詩集

金玉持身號世賢名高不但著詩篇漢皇愛少臣偏老齊國  
吹竽客挾絃親不知貧真是孝外高祖司農公諱守諭名著  
復社歿後家計日蹙太夫人  
在堂公竭歷奉養嘗於除夕大雪中負書賃錢盛具肴盤  
為壽太夫人不知也其除夕詩有云年來貧畏老親知文  
能傳世亦由天阨窮士品於斯見時命無須代喟然

西湖卽事

十里周遭失舊蹤，秋湖寒淥漸平堤。故人門巷蕭蕭樹，夜半月明山鳥啼。

野興

一片平林一帶山，石橋通處有禪關。沙寒旅鴈銜蘆至，日暮山僧杖竹還。秋思渾忘隨水遠，浮生大抵讓雲閒。羈棲亦有堪娛事，寵辱無由到此間。

小閣

小閣人愁坐，幽窗晚特開。暑清憐夜好，雲淡覺秋來。綠綺閒時榻，青燈醉後杯。是誰驚寂寞，疎雨過庭槐。

鴉鳴

鴉鳴村路白，月落店燈青。短睡無酣味，奇寒得飽經。平沙浮遠樹，破扉入孤星。况瘁從初壯，悽然聽鐸鈴。



周鳳岐

字西翔號泊莊永嘉人乾隆壬申舉人官海州知州

夜寒有感

萬里書生舊簪冠三年遊跡傍長安  
錦衣驕馬自春色紙閣蘆簾又歲寒  
塞北淒風砭杵急江南歸夢水雲寬  
亦思城下堪投釣慙愧王孫一飯難

施養浩

字靜波號茗柯又號西髯錢塘人乾隆癸酉舉人官榮經知縣著出塞入塞詩

碧笳詩話茗柯工書畫客京師為羣公所重既得官甫抵任坐前在郡王府中教書聽從人代為求書發巴里坤効力贖罪開渠築堡三年之中具有勞績邊恩回籍余館汪氏振綺堂時適逢茗柯塞外歸來把臂劇談

鬚眉皓然神氣奕奕手摹大士像一軸云是塞外所見石本舊題生還當摹萬本遍傳宇內此軸施俱良山門外辨利院中

臨漪亭啖菱角

坐列溪堂午夢涼堆盤青紫薦時芳  
經過暑雨腰常折老向

秋風角有芒種傍蓮涇宜泛艇採同艾實佐飛觴西冷此日  
迎涼處喚取鄰舟得飽嘗

過郊地

山腰營窟瞰蒼茫環抱東西驛路長一片太平耕牧地春來  
到處野桃香

邊碑

雪封煙鎖迴難攀卓立貞珉鎮此山集古欲增金石錄搜奇  
端自漢唐還銀鈎勢作迴戈勁紫蘚紋疑戰血殷堪笑閒僧  
能好事強將頑礪擬斑斕巴里坤漢碑惟漢永平二年八月  
敦煌太守雲中裴岑將軍郡卒五千  
人諒呵衍王壽建祠以誌萬世云原木酒設今西門外踰僧  
立石嚴楷陋劣可笑雍正九年大將軍查爾阿以南山達坂  
陡峻不能運車輜乃相度山形開鑿以通之山巖得唐碑係  
貞觀十四年伐高昌阿蘇文泰左屯衛將軍姜行本勒石紀  
文碑字

多殘缺

進嘉峪關

陶詩風景見窮邊寒谷生春藉力田勝國僅聞呼瓦刺

天家直欲圍祁連擅裘君長今安在戎馬書生事偶然出塞  
等閑歌入塞

皇恩軫恤俟三年

到坤之次年即奉  
恩旨俟滿三年再奏

煙際飛甍四照明年來每飯想崢嶸勞人舊識長城窟噩夢  
新離細柳營坡老堤邊客泛艇潘郎賦裏好稱觥小樓筆硯  
安排就欲譜西征萬里程

過臨清關

路逢關吏如逢虎不踞深山踞水府搜人筐篋索人錢束筭  
帆檣齊駐鴈聞河此去是初程暑月行人苦似烹津口畱難  
秋水凋空際白髮倚閭情

彭家口離夏鎮三十餘里一名十字河有活沙最礙舟  
行

紫燕窺魚蝶戀莎瓜華豆莢滿荒坡柳根犁纜山根緯惆悵  
舟行十字河

汪孟錫

字康古號厚石秀水人乾隆丙戌進士官禮部主事

### 十字河守淺

客心爭歲晚如鳥思歸窠行行到淺地束手無如何言下南  
陽聞急澗可輕過問途子已經猶有十字河遠山秋水發常  
年沒坡陀沙土隨以下填塞生旋渦司牧盍量度爲民掘曰  
科一舉手之力所濟豈不多

### 東礪石

登盤新筍何須肉倒甕清醪差勝茶我家一欄木芍藥要待

君來纔著花

送拓坡之陽山

嗟君豈識炎荒路秋色催人迫難駐江湖亦是尋常講名區  
絕景來相求君家阿兄落窮邑儒生吏事故不習初心邂逅  
尹龍孫縣齋紙筆從誰給賢令山頭好讀書望君倘作清宵  
立竹身杏葉暗枕椰沙中蜚戶蟹作糧潮雞啼過陽山陽廻  
看來處心恐惶綽有妙句非思鄉能寫灘水聲抑揚迷離瘴  
霧君方防澹薄霜花此未涼投竿要發磯頭興同聲可有區  
劉應連州所領廣州分借君如椽修志乘

友人南歸作家書

封罷開封淚暗彈夜窗梅雨逼燈寒到頭剩有平安在信筆  
方知慰藉難好友多情煩再索癡兒解事定爭看詩成亦擬

郵筒付得句從來勝得官

東蔣莘舍舍人

層城一道碾車埃自怪連朝去復回矮屋終教償苦趣直廬  
那許溫麤材忽傳諸子升階喜頓豁吾生習坎哀同學如今  
原不賤也憐都過少年來

除書三十七人同妙選真令冀北空科目由來名士盛鑒衡  
況值主文公鳳巢閣便羣稱瑞蜩坐宮還未脫窮悵悵詩成  
難出手對花誰似省郎工

夜紡女

一絲長續夜長一絲短催夜短窗隙風窺無與伴低頭欲理  
還愁斷十指凍皴紡聲急一把費將無限力油燈煎盡但成  
滴龍頭有粟食已空晨炊未備無青銅急須攜取入市中金

雞鳴曉斷更鼓喚起夫壻啼兒女

春米舖

九月穀在場家家杵臼將春聲近遠相和應強半無食爲人  
忙短衣不過膝騰身高下趨徐疾自分爲傭寧惜力忤慌挾  
背未遑息酬勞珍重主情厚提壺爲買前村酒家中妻子方  
啼飢乞得糠粃歸自負

北行偶述

五更夢醒馬嘶其輕車早發不暇脂十里廿里炊烟遲客到  
但奉黍作糜問客歲暮行何之邵徐水鄉方苦飢村婦賣兒  
如賣畜青銅三百拋骨肉村童拾糞如拾金炕煨寒火衝突  
黔挨鄉逐戶官給賑全生免作道旁殍昨秋西浙等被災大  
有幸逢今歲閭伏闕

天子時乘龍春省德意流南東此邦臘雪亦霑足看取處處  
歌登豐

舉舉獨行寒可畏殘月曉風太無謂四上春官氣竭衰道逢  
過客名自諱老大無聞空丈夫資糧艱辛笑僕奴薄田賣盡  
舊學廢日覺秋霜生鬢鬚今夕何夕歲云徂椒盤自頒酒半  
並

一車三馬十二蹄長鞭一舉步整齊脚夫夜店酣肉酒六時  
逢底醉夢迷弱小妻孥老翁嫗嗷嗷家中羣待哺呼倡作使  
落槽兒一擲泉盧全不顧騰騰大車自北下叉手停鞭問車  
價牙行扣剋利幾多何況糞土揮金何明日無錢從客借白  
手去渡桑乾河

汪仲鈞

字豐玉號桐石秀水人  
五銅弟乾將庚午舉人



送拓坡之陽山

穆湖詩人識面乍半載酒笠詩瓢同涼風忽動千里思告我  
欲去東官東陽山於古號末土兩歲羈宦吟韓公石磯嘉樹  
致可樂對客反說天下窮阿兄試宰綬方墨阿母就養顏方  
童蛩人船搖鷓鴣唱天教看盡蠻花紅大嶺小嶺擾關吏上  
灘下灘愁篙工却數到日梅大放須知異地春先融檳榔滿  
林山滿屋書臺舊址恢千弓寢興尙避瘴母瘴志乘庶記雄  
田雄三三其奈花徑冷六六勿放魚書空篋篋竹上題句徧  
紫鳳芝房譜粵風

夏夜小方壺同蘼石豫堂先生厚石作

梅雨乍歇梅風微桐花遶庭作雪飛四三冷伴擁深夕都是  
去年花下客花開花謝曾幾時花應笑人忙未知酒力詩懷

兩無奈等閒負此分燈坐簾紋扇影涼與親秋風彈指成前  
因早蟬珍重催斜日警我勞心聲第一鏡光十里涵新荷湖  
船並坐欹側過通暑僧寮會應再夢魂已越孤山背

九月十日作重陽同蓮石厚石賦

秋光未算負良期猶有零星菊在籬故事頗諳唐代展化工  
翻笑放翁遲敗梧葉省中庭墜肥蟹螯宜左手持邂逅燈前  
涼影聚醉餘補綴昨宵詩

聞栢坡歿於京師哭之次豫堂先生韻

待詔虛聞有薦雄嗒然榮落任天公計來何止聾三日慟絕  
真成裂五中瀕死神明應不喪此生魂夢倘常通遺書零落  
憑人寄未必秋宵電轍空

觀釣

彎碣漲綠蓑衣濕靜者垂綸直有餘莫笑凭闌袖雙手平生  
只解釣鯨魚

過慕迂先生紫雲村

福地秋蕭爽伊人抱膝眠嚴阿廣招隱枕簟小游仙瓦甃圍  
香祖紗窗覆綠天几蘧端可傲我亦暢幽悃

趙北口

鷓鴣已乳桃將萼易酒多衣不醉儂愧煞赤欄橋外水三年  
兩度照塵容

吳慶章

字序皇號靜庵長興  
人乾隆壬申舉人

玉泉庵夜坐

頻年慣作無家客今日真爲行脚僧獨坐空山人語寂半袈  
裟地一龕燈

兩浙輶軒錄 卷五

話

傳學沆

字太冲號莫菴又號拙齋諸暨人乾隆癸酉解元著莫菴詩近

諸暨縣志學沆博學好古尤喜為詩其族人王肅序其集曰魁不傷靡健不流弊生平著述于載籍多所發明乃條舉心得分經史集

類名三卷曰游衍錄

越風莫菴博學工文著述甚富乙卯秋間已擬元數日主司得他卷欲置第二房考某執不可曰學遲之以俟異日因改副榜首越十八年果領解年已六十有一兩赴禮闈不售詩格情麗諸暢在開元大厯之間

柯山七星巖

通川抱孤岑絕壁揭星宿懸崖古松檜欲脫復中雷窈窕巖罅深崩石骨瘦墮樵下斷澗伏流響暗竇細草含古香風篁晦晴晝丁宇深數舍仰視蒼幾覆空穴來天風晴窗滴簷溜何年勞鬼斧來此斷靈鷲願攜一卷書閉關長枕漱

長沙老人行

長沙老人七十九白髮星星未衰朽腰繫青銅三百錢日向

街頭沽美酒自言本是金陵人漁船作業常苦辛打槳每經  
桃葉渡賣魚時過石頭城有時北風動地起漁船却在江心  
裏出沒洪濤命似絲歸來把酒重歡喜前年落拓入長沙洞  
庭橋口便爲家夜看湘妃踏明月晝聞商女彈琵琶水邊自  
見顏色衰日日蒲萄添幾杯今年此船還屬我明年此船屬  
阿誰我對老人深太息知君不是漁船客一語分明喚醉人  
十年悔不參禪席劉參軍李青蓮呼取樽前費十千總死亦  
得稱神仙君不見漢武甘泉祈不老茂陵依舊青青草

### 遊五洩山

閩峯突兀撐青空蜿蜒東走如游龍兒孫羅列天柱聳朱霞  
倒捲蓬萊宮噴雲滯霧足光怪奇花異石紛青紅巉巖洞穴  
斲鬼斧疑有蛟蜃蟠其中垂天瀑布三百丈世惟廬岳餘難

同我來正逢秋杪節森森陰壑生清風赤葉踏翻啼猿谷老  
樹僵斷棲鶴峯捫蘿直視毛髮凜十洲雲路迷西東平生倦  
眼快一試勝攜長劒登崕峒夜深雲臥共禪榻星月皎皎穿  
梧桐

劉鳴鶴宅聽鄭五彈琵琶歌

檀槽鐵撥絃激楚崑崙摩詰傳遺譜古調淪亡數百年不信  
江南有鄭五鄭生本是姑蘇人雪膚花貌當青春手抱琵琶  
住京邸一時聲動長安城東華門外劉侯宅徵歌選勝都人  
識喚取花前一再彈淚珠拋落青衫名初作窗前風雨聲蕭  
蕭颯颯難爲情一陣兩陣鴈鶩落三更四更猿夜鳴倏忽寒  
聲動刁斗刀劍相摩轂相扣天上雪後馬頻嘶瀚海戰餘兵  
亂走銀甲深挑復橫勒散啼迸落瞿塘石戍角三催寒鼓急

砒然一聲飛霹靂此時燈暗月沈沈不見星河惟露滴鄭生  
何從得此藝信手揮絃了不異聞說先朝小忽雷無乃身是  
中丞裔宮槐露冷日初黃照見離人雙鬢霜彩筆不靈身萬  
里潞河便是潯陽江

長沙旅懷

宋玉祠前路江沙射日黃天連岳陽水樹壓洞庭霜往事悲  
魚腹前程潞馬當遙憐故園柳風外不成行

秋懷

苦竹籬邊漫一樽酒徒散後月黃昏冰霜有信先催柳砧杵  
無風亦到門三黜已甘貧士節一殮猶記故人恩十年欲把  
冠纓濯祇覺滄浪水尙渾

寄余蘿村先生

當年一鐸領諸生八尺龜趺舊有名老去幸無婚嫁累夢回  
猶記管絃聲到門剡水常廻棹接面爐峯半遠城知是蒲輪  
還有約申公名在漢西京

孤亭

孤亭面秋水落日一登臨顧此滄浪色難爲遲暮心疾風吹  
鴈急霜葉抱蟬深渺渺蒹葭遠伊人何處尋

西湖

落花如雪柳如煙二月西湖水接天江上樓臺連化國鏡中  
鶯燕管流年西陵古木滄波外南渡遺宮落照前只有孤山  
山下路裙腰芳草歲芊芊

早梅

漏洩春風第一枝暗香不使早鶯知笑他此後閒花草只逐



風和日暖時

姜炳璋

字石貞一字席珍號白巖象山乾隆甲戌進士官石泉知縣著尊鄉集

朱文藻曰雷翠庭學使按寧郡試諸生以兩漢總論炳璋援筆抒二千餘言多所發明學使刻入試牘辨真卷中浙東西徧傳誦之

再過錢司寇祠兼憶張司馬司馬被執南田各官餞於

此祠

有明三百年之蓋忠司寇開其始司馬收其終有明三百年

之學案司馬以苦節司寇以苦諫憶昔司馬起行時衣冠再

拜司寇祠合城官府望威儀里老至今能言之我曾拜讀司

馬集司馬遺文不存一作志幸有黃南山

南山簡要志載公坦腹事甚悉後為

楊誠之所刪遂致周文穆之疑墓碑恨少梨洲筆

梨洲有張司馬墓碑吁嗟忠義聚吾

鄉前有錢公後有張白石山青雨水蒼

司寇號白石山黃魚人司馬號蒼水

正熟白蟹香我欲建祠祀二公十羹一杯永蒸嘗

陶章煥

字石湖號秋佳又號菊坡會稽貢生著秋佳詩存

陶氏家譜章煥工書善飲作行草雖小如蠅必懸其腕飲醉輒大笑崇論閎議驚其座人自幼通聲韻學初學

劍南後參玉局其在荆襄有句云雲外烟鬟堯二女江邊香草楚三閭一時膾炙人口

鬼亭詩話先菊坡兄慆母墳云人間豈少王孫輩難起千秋隻眼看與江陰翁郎夫照士甘饑死今還有女識

英雄古所無同一感慨

大雨至十七日始霽

積霽清於掃晴鳩聒樹間風高能散暑雲起不連山隔巷猶

墮展閒庭且閉關偶從午枕上得句一開顏

雪夜渡湖訪恬上人

夕風兼雪峭稜稜淅淅篷窗冷露凝一片渺茫南岸水數星

明滅裏湖燈鐘傳法界諸天上人在孤山第幾層嚴北梅花

開也未先將消息問雛僧

宿雲棲寺

江岸風生日影殘  
籃輿穿竹路漫漫  
殿前雲氣諸天近  
屋角泉聲六月寒  
夕隄不墮嚴戒律  
曉鐘纔動進天堂  
殢連宵雨阻遊山  
屐借得傳燈舊錄看

偕蔣八理元汪大劔潭重游王氏園林

醉臥花陰憶往年  
紫藤架底藥欄邊  
豈知郭外無多路  
便是仙源小有天  
塵眼每煩雲洗濯  
風襟嘗爲樹畱連  
竹香鳥夢西堂句  
欲付黃筌畫筆傳

舍弟簞村遊王園有竹香園鳥夢人影過潭心句最佳

岳陽樓

獨上層樓望眼舒  
更逢今日雨晴初  
湖吞遠水天容展  
浪打孤城地軸虛  
雲外烟鬟堯二女  
浦邊芳草楚三閭  
寒沙不少



望九靈山

九靈何縹緲白雲冠丹岑中峯起寒霧絕頂生層陰山人去  
已久歧步難招尋長歌向鸞鶴坐石彈素琴天風忽下吹動  
我巖壑心攬之不可卽颯然灑清襟何當追高躅遺世抽塵  
簪

時興詩

宿雲原上來薄霧川前合鳥散平疇陰農歸麥隴夕遙峯滯  
晴霽密樹橫疎碧迥露引餘圓汲井尋新脉沈性隔巖深抱  
沖齋欣戚徙倚愜幽踪歸去從所適

游崇因寺

萬竿脩竹十方無約我清遊待茲芻隔樾已看青匱匣入林  
還染綠髭鬚花因說法當空散酒爲題詩破戒沾坐久渾忘

歸去懶沿溪山色晚模糊

秋夜獨坐

靜夜臨前軒清光何炯炯白雲搖空扉西窗颯風影秋聲南山來涼意忽在寢羣動寂以息默坐發深警獨鶴凌高天遠意託松頂

山房卽事

澄坐那知夏日長山中歌詠有裴王雲生竹墅琴尊綠風引花枝薜荔香放鶴閒情傳逸客觀魚樂意在濠梁幽居恍入清涼界不惹紅塵到曲房

鄭虎文

字炳也秀水人元子乾隆壬戌進士官左贊善著吞松閣集

嘉興府志虎文由經修出典河南鄉試督湖廣廣東學政歷左贊善歸主後杭書院於學廡不通衡文兼取果長無遺美少孤竭力養母母病瘳子神肅減算母果如所禱事兄如父撫諸姪諸甥如子分衣共爨五十年

如一日素以經濟自負嘗願爲知縣謂縣令切近民易  
知民間疾苦一令賢則一縣治天下之令賢則天下治  
人以爲名言著吞松閣詩文集季子師雅讀書過目了  
了而其意邈然視文字若糟粕者十五舉於鄉十七大  
北征別

野桃綴輕紅溪柳吐新綠去去從此辭行行重踟躕上堂拜  
阿母阿母淚盈掬舉手望北指哽咽聲斷續江河浪湧天灰  
沙昏兩目鞍馬素未習孤征况無僕著壁蝸伺人冬炕煤有  
毒晨夕誰扶持勞勞水與陸人海苦支離驢騾強馳逐矧茲  
帝皇都人情異寒燠無若居鄉里骯髒少諧俗事事須在心  
頭屑難盡囑吾老尚窮健毋爲亂心曲况有汝兄嫂足慰形  
影獨只汝身在客羈旅誰顧復迢迢路千里異地安可縮別  
後知何如魂夢遠相屬攜手重叮嚀音書莫辭數遊子再拜  
受無語整輿輻慘慘望北行春風吹槁木

即事

半捲蝦鬚湧玉鈎蕭閒景物一庭幽  
清池得雨青浮面荒草無人綠到秋  
落葉亂驚歸鳥疾薄羅輕趁晚風柔  
望中無限飛鴻影立盡斜陽不轉頭

呈博也義上兩兄

十五年來興已闌先子過伯父盛湖草堂家庭詩酒之會舊每一舉彌月物後垂十五年不復舉矣  
遊重此續前歡弟兄無恙貧原樂骨肉多艱聚亦難月落河  
干魂不渡謂合水五兄秋生海國客先寒及中兄近死真已矣生  
長別莫把相逢容易看

憶家孟袁浦未回

月照袁江雁影單何人爲念客中寒孤雲無族思歸岫老馬  
迷途未解鞍望我能來真踐似春初余擬北上約相見于袁浦兄待久不至屢以札詢



思君不見又秋殘一番風雨重陽近愁絕茱萸獨自看

趙孝子 有序

趙孝子名如勳燕定州東馬村人年十四父爲同族  
宋實簡三人所殺姪某首訟宋宋賄簡承簡坐死姪  
某亦坐誣得罪釋宋及實未幾會赦赦簡出母某氏  
時泣語孝子孝子誓必報會母老弟幼不可死因僞  
與宋結厯十有五載母歿且服闋矣爲弟畢娶既畢  
之五日適宋出覲刺孝子腰斧與俱卽其後而擊之  
遂殺宋時乾隆十一年丙寅七月二十三日也孝子  
旣殺宋詣吏請死吏不爲白坐辟獄成上

聞下所司比部袁君德達閱案知孝子無死法倣古駁復  
讞議上之

制曰甚是敕下有司覆案定擬嗚呼而今而後孝子可以無死矣夫孝子死孝子當必無恨顧

君如堯舜臣有皋陶而下猶有孝子而死者猶有爲吏而死孝子者其如天下後世何因歌以紀其事

趙孝子定州東馮細民耳生不讀書不識字父死兒年纔十四天荒地老冤莫伸嗚冤坐誣兄鬼薪脅從者簡首宋實宋實賄脫簡罪辟簡罪未辟赦且釋死父含冤生母泣泣顧幼子呼如勲汝族宋實殺汝親汝弟幼弱惟汝身我今語汝知惟汝識之汝報之報之以死兒何辭兒待終母天年時母亡弟長弟授室越弟授室纔五日乾隆丙寅七月二十三日日之夕東馮村人夜觀劇伺宋得隙覘宋出別墓辭家躡其跡腰間利斧光差差如霜似電驚蛟螭精誠淬厲血淚滋一十

五載神爲持歸途陡逼格其肘腰間出斧斧在手力不敵宋  
宋欲走蹶而復起斷其首大呼復讎須眉張日月慘淡天昏  
黃狂飈動地沙礫亂若有神助非身強嗚呼兮孝子今無其  
人古有此兒童聚觀老翁歎頃刻喧傳遍鄉里束身到官官  
不問謂爾殺人罪宜死爰書具獄文下部司命刑曹赫然怒  
駁議上

帝帝曰俞死未可知生有路於戲我

皇盛德如天仁孝子不死萬物春孝子不死萬物春於戲我  
皇盛德如天仁

寄家孟

長物空憐出有車座中有客歎無魚若論況味將何似恐較  
鄉園或未如幼子近尤能善飯孤甥今已畧知書算來兩事

差堪慰消息殷勤寄草廬

寄姪兆龍

傭書負米計何從念汝慈親老更窮耳病那堪聞鬪蟻手龜  
應已罷九能飢銜竹實啼三鳳夢醒蘆花送遠鴻此境只子  
經歷慣不禁雙淚灑西風

家六姊寄示四十自壽詩次呈

掉頭辭故鄉轉眼如昨日辛勤赴窮官睽離感天秩幼記牽  
姊衣長共繞娘膝衣綻煩裁縫解索盥櫛响隔如枯鱗困  
此網罟密艱難幸成人竟爾手抱姪姊稱最少年四十慶逢  
吉重陽先萸筵九華進丹術離菊亦爛漫戶屨自充溢乃不  
忘家傳用敢以儉帥兩部息蛙吹五字嚴杜律如鶯語三三  
似珠穿一一雲鴻落鳴琴江峯冷湘瑟謝彼春前花賴此先

後實度幾善必昌莫嗟老誰卹姊詩畱此殘喘軀待老丹頰  
猶塗朱鬢髮尙凝漆徐麟夢豈虛潘輿暮堪必獨憐塵中人  
目眯亂鴻乙照我月團團吹我風慄慄已念骨肉歡過隙等  
箭疾况復迫季冬頽眉愁未畢寒更不成眠呵手拈凍筆

偶成

頻頻敝帚掃氛埃紙帳蘆簾不敢開野犬入扉驚客至鄰雞  
隔屋趁羣來坐陳俎豆兒同戲出典釵環僕未回笑指珠璣  
誇德耀昨宵呵凍句新裁

自題夢遊吞松閣圖有序

余少時嘗夢行萬山中凌絕頂頂無雜樹多松松徑  
翼然而出者如亭然顏曰吞松閣字奇語創殆不可  
曉俯視斜日松陰滿庭恍然若有所會遂驚寤越數

年洞庭周笠寫圖又數年復自題其圖云

君不見虬龍盤石根半枯寒濤颯颯秋風呼青牛白犬互隱  
見淋漓元氣神爲扶手摩松枝口嚼實縱不作佛仙爲徒憐  
余怪魁木同病擁腫合入天台圖一朝神遊動魂魄飛意直  
入排清都兜羅下界俯一氣峯盤萬仞松千株松間有徑徑  
甚紆蟻行曲折同穿珠松迴徑盡勢絕殊懸崖挂石相枝梧  
翼然飛閣凌浮屠重軒三階室四隅反宇上出觚棱觚字排  
銀榜銜高桴體不類古今尤無納光激影松在地老蛟欲舞  
寒雲鋪吞松之意無乃是以指畫壯兼心摹維時視日日正  
哺罡風吹我行天衢重岡複嶺龜鳧趨腳踏鶴背煙模糊翻  
身一覺聞啼鳥鳥啼月落清影失彷彿記憶存形模形模在  
書渺難入夢亦幻境非真吾何當杖策果此願汗漫八極遊

蓬壺不然一棹歸西湖萬松嶺畔孤山孤惜未得遂歲已徂  
或云事與丁公符十八年後其公平公平乎公平非我志作詩  
敬謝五大夫

送同年周檢討芝山出宰寧武

四海雙愁鬢三年兩客身未歸猶戀飽好去莫辭貧寒日雲  
先凍窮荒草不春一聞行計迫作惡已兼旬  
廉吏談何易貧家累恐深未妨塵在榻莫負水爲心花露沾  
庭鵲松風動匣琴政成如報績吾欲問棠陰

送姪謙之寧武幕

朔風忽吹面使我心骨酸汝今遡風去何以庇汝寒不能爲  
汝謀新製羅與紉解我身上裘脫我頭上冠冠裘我所御十  
年鮮堅完舉以被汝體驅車赴窮邊窮邊豈辭遠獨客衣裳

單衣單亦不慮嚴霜歲將闌念之不能寐榻焉摧心肝  
隻身走千里意若有所圖今果成此行庶幾口可餬向我忽  
不樂涕淚相滂沱非謂慘行色終恐迷歸途汝耶沒三年未  
卜土一區汝母老且病望眼空模糊哭哭去鄉國骨肉惟我  
俱別我復遠適疾痛誰與呼天乎愧汝叔使汝身羈孤  
窮官不相活送汝之西陲豈不念行役願汝有所爲寧武雖  
小邑民社咸在茲此中足經濟求之有餘師官舍實人海籠  
辱爭毫釐舉動互窺伺賢愚相瑕疵苟不愧衾影安足憂譏  
嗤和衷乃集事止謗惟無私千里始跬步畢生此其基  
小小不努力老大徒風塵一身不自主去住由他人此境我  
曾歷視汝尤艱辛汝幸得賢主與我骨肉親羸餘固非望足  
以安汝身念汝初入世野馬驕不馴勿如在家時動爲俗所



嗔直鉤不釣魚炙轂無方輪丁寧別時語願汝書諸紳

歲暮雜咏

日月不可駐蹉跎鬢屢新逋從今歲積人似去年貧有客思

燒鬼曹生久病未愈無錢欲論神依然聞社鼓萬戶太平春

陋巷春難到貧家事久諳犬飢漚似鶴婢冷縮如蠶嬌女衣

更著痴兒髮不簪昨宵渾不寐敗葉戰風酣

近接淮南信家兄館蠅頭十指書只言歸未得不敢問其餘

活計輸倉鼠生涯指磨驢幾時同一飽風雪臥荒廬

耘雅堂前月家六姊梅花溼上春家大姊三年勞夢寐雙淚落風

塵歲歉難爲婦愁多老却人小樓燈火夜念及每驚神

獨客雁門去謂自牧姪殘年事可知應爲痴叔慮直作故鄉思骨

肉夢中夢關山歧路歧此行如得當未敢望歸期

嬌姊亦已老家五姊諸孤況更痴無家甥似舅失學母兼師婚嫁頻年近飢寒繫我思愁腸與落葉如雪亂斯時

師吾草堂小集卽席分賦

汪家探花國俊髦溫其如玉醇如醪忽先六日招登高招我六客皆同袍聯翩走馬城南壕蘆花瑟瑟風騷騷就中髮僧興更豪拈花喜談禪叔巖呼爲髮僧詩思湧若秋江濤有技欲試癢莫搔不肯獨作嚴分曹徵詩刻日如追逃色難衆賓語不囂啗我許設重陽饒嗟余方輪不轉膏下筆黠竄防嘲嘈那能更學寒蛩號驚生四脚蟹雨螯或者此事宜老饕鷓鴣辭軒出鷹解繚偷閒約赴東籬陶門遮紅蓼徑掩蒿苑移秋色來亭舉賓從雜坐花周遭提壺撥甕傾葡萄隋珠和壁人各操探懷出手調雲璈傳觀互讀口目勞雜以諧諢貶或褒清言絡繹獨

繭纈須臾月出明秋毫晚鐘一聲催蒲牢童僕背憎心忉忉  
拳身立寐如懸猿嗚呼此樂母乃惜歸兮雷動車連鑣犬驚  
寒巷聲嗥嗥

歲首同人小集有感

已出山泉旣泮冰漂流踪跡故難憑恰看歲首人何在但覺  
尊前醉不能萬里關河同夜雪百年身世感春燈當筵幾度  
傷離別鏡裏潘毛白漸增

中秋同人小集寓齋

明月如故人適我願無違故人似明月八室有餘輝有錢沽  
我酒無酒典我衣今此不爲樂恐爲來者嗤緬思小山桂故  
園正芳菲誰同花下酌空掩月中扉來雁鳴方急孤螢見已  
稀流光迅駒隙一往不受譏今年今夕好明月明朝非當杯

已入手不醉莫言歸

甲戌閏中和金海住先生懷友用聚奎堂壁間韻  
能來夜坐莫辭深燭影初搖月下臨有幾晨昏同燕笑無多  
朋舊已山林春歸上苑人常別身鎖重關夢亦沈那更君詩  
如錦瑟一絃一柱愴離心

九月四日遣嫁莊女書此示之

汝祖故愛女而我尤過之有女無不愛愛汝情獨痴汝父故  
貧賤幼孤失瞻依伶仃幸成立倚汝祖母慈汝母歸我家標  
梅嗟後時一索乃得汝起臥親抱持辛勤十八年瑣屑難置  
思念汝十二三婉婉具令儀縫紉及澣濯枕席兼盤匱事事  
俱在心鉅細咸待治冬膚坼縱橫夏汗沾淋漓代母事操作  
勞瘁靡所辭梨棗有推讓出入無完衣東家有美女羅綺嬌

不支西鄰有少婦珠玉盈履綦富者相競鬪貧者相嗟咨汝  
視若無睹泊然不爲移頗能見其大竊負男子奇事我尤曲  
謹委折罔不宜如彼形與影轉側不忍離以茲遂成癖愛汝  
逾羣兒今歲次丁丑爲汝親結褵書堂作甥館賣犬爲奩資  
宜家自此始畢生乃其甚庶克相夫子敬勸同賓師毋忘我  
家訓相勗禮與詩吾聞古賢婦勸學斷機絲桓車及孟案往  
蹟汝所知卽今不共勉後悔良已遲知汝素賢淑安用相憂  
疑愛深慮彌遠反覆多繁詞嗟我年已暮冉冉霜入髭今雖  
不遽別別亦須臾期念此不能語含毫淚先滋吟成漏欲盡  
四壁寒風吹

度磨石嶺觀雲海

黃山雲海世所傳曹圖

洛禮學士有圖

潘記

稔堂先生有觀黃山雲海記

歸愚篇

沈尚書有昔常披玩不忍舍懷此不到空年年今來楚南度  
觀雲海詩摩石如石磨磨折且旋枯蝸升壁蟻出穴高凌碧落卑重淵  
悄然坐我三十六峯頂俯視下界兜羅繚維雲觸石膚寸起  
澹痕輕素飄炊煙初升一縷合萬族漸彌罅隙無旁邊當其  
欲合未合間百重樹杪噴薄無聲有形之飛泉分流互注各  
有態虛空欲碎難雕鐫遲來惜我未見此但見浩浩一氣相  
盤聯幻參雲水寓色相妙兼雪月爭幽妍恍疑一拳坐一葉  
斷查銀漢浮張騫還疑岳陽喚未醒神遊赤岸君山巔或云  
天蓋夜郎洗陋俗綴寧志云古夜郎地天吳海若紛駢闐不然夸娥負  
山送我北海之北南海南罡風鼓籟聞成連盪摩星日墮沓  
沓平夷凹凸歸平平就中忽露雙峯尖光明搖漾青螺圓與  
之低昂波下上俄然近遠風便娟瀛洲方丈此或然不爾胡

得空中懸吾聞乾坤大物山與海表彈蘊真窮言詮惟山有  
海海有市變滅諸相真虛元代傳其說見者少況我過客尤  
難焉登州海市禱乃見侈神報豐天哀憐不祈而獲我何德  
重是

帝命司文權與蘇殊遇遇差勝可無健筆追坡仙往矣  
不復作詩成未擬投時賢時賢自有黃山在那識渠陽別有  
天

庚辰除夕同人讌集

雅驚列炬啓長筵未必團樂遜往年舊巷郎君多羯末後堂  
弟子得崇宜春融杯氣驅文藻雨點檐聲當管絃豈獨鄉音  
誇有伴醉眠吾欲傲坡仙

將軍山

山含春雲青石露虬骨瘦倚空有孤撐跨波得虛覆壁削平  
孰磨罉坼碎如湊初疑女媧遺采煉彌缺漏又疑石髓流風  
凝出皴皴問名訝將軍佯象殊甲冑苔蘚偶作緣土壤不敢  
垢樹古蟠蛟螭屏展界紋繡上枝蔽危峰下根貫陰竇高宜  
致仙禽險不隱怪獸探岳遲巨觀循江副奇覲去舟泊中宵  
迴榜靚晴晝酬此隔歲心如有十年舊摩崖欲題名迅帆促  
歸漚遊屐空遲迴山靈笑凡陋

寄師亮

避濕緣憂疾先余竟得歸一江春水駛萬里白雲飛乍上南  
湖棹初穿密線衣殷勤問腰帶別後瘦還肥  
到及清明候多應問墓田將余垂老淚寄爾灑重泉極目五  
千里迴頭二十年含飴弄孫事永斷此生緣



張觀察招集晚紅堂賞藤花次日趙中翰損之長句見

示卽用其韻示觀察

庭羅雀門少題鳳如兔蟄穴鹵逃縫叩關有客約看花破爍  
扶衰趁閒空入門天矯龍蛇盤紫貝明珠壓檐重主人辛苦  
費三年汲井疏泥勞灌壅博得花時一笑歡痛飲高歌意飛  
動前遊彷彿記瀟湘舊宅披尋懷庾宋官舍頻開北海樽大  
人曾入劉伶頌轉眼君歸我亦還白首紅塵尙隨衆自慚不  
及紫藤花欲借扶持怕嘲弄秋風擬上天隨舟余決於今雪  
秋告歸  
圃常依漢陰甕明年此會復何人斜日晚紅畱宿夢爲霖願  
被浙東西却埽松棚迂騶從

次煜焯兩姪久雨聯句原韻示姪鼎師尙兒子師亮師

雍

一雨浹兩旬柴門斷行客尋常一面難咫尺千里隔詩來映  
窗讀餘明黯將夕老眼開昏花聞樂嘆皦皦繹情知春草深才  
許石鼎敵嗟余故老孱廢置如舊歷蕭索愁菰蒲峭蒨慚竹  
柏久聞唾壺歌倦和檐溜滴忽彼連璧吟孚尹照肝隔和音  
叶填箴同氣投芥珀一字價可千斗酒詩難百機雲在上頭  
軾轍誰接席迴頭看兩兒屬和稿屢易阿鼎過江來初脫雨  
中屐見獵亦心喜拔幟馳趙壁相約抗兩雄作計消此夕老  
夫興亦豪病眼輕一柳敲鉢聲嫌遲叉手韻交迫詩成互傳  
觀辨圖紛得失尙也非秦人如視越肥瘠投之以夜光畧不  
一動色袖手恥張軍閉口疑杜德十月稻未收四望雲尚墨  
文字腹可撐輯憚民豈莫殘年憂桂珠誰術擅黃白余聞顧  
而笑此境已慣歷因之廢吾詩此日良可惜

贈金陵岳水軒

君家倦翁住鴛水蠡湖小築開金陀平泉花木正顏色洛陽  
仙客悲銅駝滄桑人代不計歲子姓散落埋煙蘿水軒先生  
名德後振景拔俗昌聲歌壁經家書困讎校劉畧班藝俱搜  
羅張融船牽桃葉渡米家舫泊秦淮河吟鞭慣折白門柳弄  
筆時換山陰鷺後先名流相輩出煜若星宿尊義娥那知才  
高不入俗蔡琴下玉遭譏訶箇中礪礪何處吐酒杯好借休  
嫌它去作諸侯老賓客一笑腐鼠真么麼代庖聊試宰國手  
見獵不動古井波將軍揖客羞自許廷尉結襪何足多江山  
有情展遊眺歲月無意消吟哦卽今行年已七十方瞳炯炯  
朱顏酡倦遊思歸益好事欲哀著述窮編摩新安使君招與  
共荆襄一葉投龍梭如古乞守得鄉郡黃山白岳爲行窩嗟

余客此耕研石荒山鍵戶無人過初交幔亭繼吾子文追建安詩元和頻措病眼盟手誦掃除風疾降愁魔獨憐衰病才力弱無足取重如君何忝君先世共鄉里勸君何不歸嘉禾楊柳之灣倦翁圃亭猶有竹池有荷倘君來宅吾終隱對關二老眠雞窠

贈儀徵汪秀才中

直鈞不釣魚方軌不炙轂卽物具通識遇合以我卜往蹇悔乃遲愼始保初服因不失其親乖或乘大僇獨憐可宗者如玉嗟碌碌所以獨行士果哉委溝瀆溝瀆良亦宜親老缺餽粥禮食權重輕回面聊自驚呼則應馬牛與不恥諱疏準古奉檄歡斯意可歌哭自從秦漢來阡陌開井牧士鮮祿代耕求飽難半菽況士賤且多夜光混魚目習輕厭衆囂奚辨鵠

與鶩只尺敲奇士泥塗困匍匐文也少孤貧此味嘗最熟君  
況差我同感我頷頻感恭聞下

明詔遺書採幽谷經術首所崇激勸醒迷復君才應時須學  
也中有祿不干亦不矯吾道惟自淑方今歲將周梅蕊已簇  
簇春江待君歸天上舟行速

雲霧松歌

山松莫若黃山奇聞者未信見亦疑松不麗土戴之石松根  
絡石相交持風來撼之勢欲拔不膠而合終難離霞烘日炙  
雨少澤奚恃以養蒼然姿騰空奮起還偃伏盤根拓戟虬其  
枝千年一握鬱精氣參天怕使天公知黑入太陰白摧骨彼  
松視此真卑之不資灌溉謝培護而汝獨壽云何宜吾思黃  
山雲霧窟風氣摩盪無休時元氣所化生氣足霏霏著物生

華滋引流汲井亦堪潤先後天異分醇疵沉石土耳山作骨  
中有石髓如凝脂人得服者恒不死次亦往往登期頤松固  
得髓育其本胚胎此實長生基雲蒸霧沐復天降一物共荷  
乾坤慈此中具有太極理狀之恥作雕蟲辭嗚呼松兮好自  
保出山容易根先移

戊戌二月二日到杭州崇文書院越二日雨又明日雪  
登四賢祠樓望雪用東坡北臺韻

連朝寒雨正廉纖邀勒春光朔氣嚴亂放林花黏粉蝶蜚雕  
山骨出形鹽沈沈雲影濃鋪河品品湖光遠接簷南北竟來  
迷望眼插天不見兩峯尖

推窗千片落驚鴉老不禁寒飈兩車未辦閒行披鶴氅早催  
清夢落梅花兜羅世界原同色粉本湖山信作家禮罷四賢

懸檻立北臺欲和手頻叉

題趙功千先生遺照先生子一清余門下士亦已物故  
白鷗波浩蕩萬里誰能馴杜陵以自況惟君與之倫杜往不  
復作君亦辭紅塵有子一清篤家學著述誇等身彙經與鄭注  
訂正稱功臣茲編貯延閣身沒名千春往余與之密庭訓時  
復陳未遂紀羣好謬託孔李親今茲展遺照浪浪涕沾巾形  
容目存想須眉同此神如鷗沒不見萬里空前因

送姜壻貽續西遊謁其師畢中丞於西安

西征竟著祖生鞭山隰榛苓有夢牽分陝自來尊旦奭後堂  
何幸厠崇宣蒼生早入痾瘵抱故舊看垂骨肉憐恩重師門  
須努力莫將姓氏辱名賢

葉佩蓀

字丹穎號辛麓歸安人乾隆甲戌進士歷  
官湖南布政使著傳經堂詩文集十二卷

正陽關

已入江南地開頭望水關孤舟清潁尾疎雨壽春山行路此  
身賤謀生吾道艱一聲柔櫓外愧爾白鷗閒

宿湛河田家

柳陌初歸翼松扉暫解鞍眞從田父語莫作使君看窗斷聯  
蛛網牀喧近鴨欄羽書方夜急樓息敢求安

刺虎行贈邵將軍

南山獸盡老狐匿飢虎下山不擇食東郊十里聞腥風白晝  
橫行官道側城外居人欲遁逃麾下壯士鳴弓刀將軍叱咤  
拔稍起飛空突出霜天高怒睛百步當睖眄猛氣已奪俚魂  
茶握槊直前伏草驚騰身一吼蒼崖裂人強獸勢爭雌雄馬  
倚人勇能跑空火光迸落霹靂碎錦毛血灑山牆紅老烏驚



呼枯樹倒卷尾磨牙猶力拗  
砉然巨石摧青天惡膽剖出生  
人爪將軍廻策神閒暇謹聲  
四合爭迎迓仰視將軍俯睨  
虎此虎此人夢猶怕將軍昔  
年鎮朔方身領健兒皆材強  
槍竿嶺頭旌旆迴居庸關外  
凋弧張我時奉使長城北榆  
塞春風聽鳴圓上谷西門一  
握手颯爽晴空見秋鵲移守  
中原玉帳清高齋數過醉談  
兵黃沙白翼南都曉猶是威  
名古北平

桐柏道中

柏子何年國蒼荒接楚邱村  
纔三戶聚族少百年畱計畝  
秧論石桐邑山田崎零不成頃  
開山樹架樓尙憐生聚苦更  
忍畝以種秧之多寡論價急徵求

九日登吹臺

碧樹蕭森萬井秋郊關浩蕩  
此登樓百年已見霜侵鬢九  
日

何須菊滿頭落木聲從平地起長河波接大荒流登臨漫擬  
酬佳節翻遣憑高攬四愁

豐寧道中感賦

倦飛久已厭風埃絕塞高秋復此來鐵聚六州真鑄錯玉燒  
三日愁成灰馬嘶空磧寒蕪盡鴈叫長天落木摧雙鬢只今  
無可白不須搔首更生哀

送崔別駕龍見之任杭州

崔由順慶太守謫授

作郡何如佐郡恬單車好背朔風嚴有官暫屈岑公孝此地  
曾經蘇子瞻貧剩湖山堪自足閒容吏隱得相兼重煩問訊  
春堤柳待我歸來拂帽簷

臥龍岡謁武侯祠

抱膝長吟有所思崔徐一笑未應知隆中已決三分策谷口

猶勞六伐師業定高皇初創地身潛世祖中興基天教此義  
常畱在誰調炎精運祚移

將入都馬總戎建學鄭太守竣基偕涅陽湖陽安衆復  
陽鄴縣義陽丹水諸縣尹餞集于臥龍岡

蒼蒼古木俯平田竹外鳴鳩淨野煙遊屐重登懷古地離觴  
況及送春天坐深樹影交簷合日晚鐘聲出郭傳後夜一樽  
吟望處河橋官柳正吹綿

蔡

璉

字覺亭號棠  
泉德清諸生

京口卽事

人影衝煙去嵐光撲面來江空先見雁客倦怕登臺白髮蕭  
騷亂黃花爛漫開渾如舟不繫關吏莫相猜

月色當秋白山客入暮蒼也知身是葉轉笑客爲鄉支枕愁

無寐挑燈初有鐙頻年來往熟不覺水天長

兒子廷弼告歸於鷺山之麓小築數椽顏曰萬松草堂  
體圖意也落成之日扶杖往觀喜而賦此附題於左  
得得高峯聳翠螺萬松層疊石盤陀雲山有主應須我風月  
無邊合倩他地僻不嫌人跡少心閒常覺此身多回思九十  
年來事却悔臨岐喚柰何

孔繼祥

字抑齋蕭山諸主  
著寺麓山窗吟草

早泊漁浦

涼月猶掛樹居人尚掩關煙消漁浦岸日上富春山曉渡聞  
呖軋遙峯露髻鬟潮平風浪急小艇泊前灣

偶成

忽忽韶光老苔痕點石斑護花籬急補待燕戶遲關窗貯半

簾月樓橫一角山新詩吟未穩書就更重刪

陳汾

字晉陽號墨泉蕭山監生著怡園詩鈔

蕉窗銷夏錄墨泉資性恬淡吐屬有逸思如無事或佳日耽書娛小年白雲一夕臥流水五年心皆佳句也工書善畫其廬在蕭邑東郊蔭喬木環清流酒榭琴亭頗據林泉之勝顏曰怡園凡騷雅之士有過城東者輒訪之

寫雪窗待酒圖題句

朔風一夜鳴簷隙吹落天花積盈尺窗前失却舊山青只見  
遙空聳銀壁須咏千篇飲百壺呼童急向前邨沽天寒日暮  
行蹤絕不識溪橋有徑無

池亭閒坐

偶到虛亭坐身閒喜地偏雨餘低岸柳風定落池蓮無事成  
佳日耽書娛小年北窗堪一臥高枕自悠然

重游雲棲

忘却招提路歸雲暗自移客尋曾宿處僧話舊遊時林密秋  
生早峯高月到遲閒來坐禪舍續寫壁間詩  
自昔別蘭若無時忘竹林白雲一夕臥流水五年心山翠添  
新雨風泉瀉舊音高峯仍未上何日更相尋

孫毓敏

字聖求一字勉齋山陰人

曹秉鈞曰勉齋樂志田園讀書爲善築春山書塾延名師以課同族及鄉黨之佳子弟塾中林壑清幽因景綴詩具有伊洛風致

春山書塾雜咏

素馨廬

塾中南廬也叢蘭繞階難以衆卉早春香祖菲菲如親君子

猗猗空谷蘭移滋寒林下不言而自芳凡卉失嬌媚乃知德  
果馨誼嫌同心寡

止水居

素馨廬從西轉北一泓瑩徹有止水焉卽以額額

余心如止水明淨本無塵物交乘後起毋乃混其真清池方  
渙渙常留天地春

雲影池

池廣不半畝而源頭活水卻相

一鑑清如許天光盪雲影源頭活水來涓涓寒流靜默會晦

翁吟臨池發深省

書畫舫

池上岸舫臨波倒影彷彿米家書畫船秋夜遲月尤妙

藏書餘萬卷傍池搆十笏杯水覆坳堂芥舟坐超忽彷彿米

家船推窗納湖月

叢桂軒

軒在獅子巖南環植金粟非慕小山招隱也底幾肄業者折取一枝蟾宮不遠耳

雲外飄天香翹首廣寒府軒墀繞叢桂一枝憑折取寄語青

雲人安用吳剛斧

兩浙輶軒錄

卷二十五

孫毓敏

望

鶴和堂

叢桂軒北有堂顏曰鶴和義取中孚同德相應以爲學者最

秩秩登斯堂鶴鳴欣有和心以同德孚在隱聲早播終與鸞

鶴羣寧誇燕雀賀

柏屏

堂前古栢一樹橫亘山腰霜皮黛色益數百年物也

老幹攫蚪龍歲寒標晚節天然列畫屏蒼翠濃於織恍與君子交古道照顏色

兩浙輜軒錄卷二十五